



Tužilaštvo - Tužiteljstvo Bosne i

Hercegovine

Тужилаштво Босне и Херцеговине

Broj: T20 0 KTRZ 0004648 07

Sarajevo, 07.02.2018. godine

**SUDIJI ZA PRETHODNO SASLUŠANJE
-SUDA BOSNE I HERCEGOVINE-
SARAJEVO**

Na osnovu odredaba člana 35.stav 2.tačke i.) i člana 226.stav 1. Zakona o krivičnom postupku Bosne i Hercegovine, podižem;

О П Т У Ж Н И Ц У**PROTIV:**

1. **MANE ĐURIĆ**, sin Vuka i majke Milke rođene Ćurguz, rođen 14.08.1956. godine u Sanskom Mostu, ...
2. **RADENKO STANIĆ**, sin Radovana i majke Svetozarke rođene Kraljević, rođen 31.01.1960. godine u mjestu Grabovica, opština Vlasenica ...
3. **MIROSLAV KRALJEVIĆ**, zv. „Mićo“, sin Radivoja i majke Dragice rođene Popović, rođen 08.01.1968. godine u mjestu Dole, opština Vlasenica, ...
4. **GORAN GARIĆ**, sin Branislava i majke Radmile rođene Bobar, rođen 08.12.1970. godine u Vlasenici,

Što su:**I****MANE ĐURIĆ, RADENKO STANIĆ I MIROSLAV KRALJEVIĆ**

U vremenskom periodu od sredine aprila 1992. godine, pa do kraja marta 1993. godine, u opštini Vlasenica, u okviru širokog i sistematičnog napada dijelova Jugoslovenske narodne armije (u daljem tekstu: JNA), i to Novosadskog korpusa JNA, Opštinskog štaba Teritorijalne odbrane Vlasenica (u daljem tekstu: TO Vlasenica), paravojnih formacija, Vojske Srpske Republike Bosne i Hercegovine, kasnije

Vojske Republike Srpske (sve navedeno u daljem tekstu: vojska), Ministarstva unutrašnjih poslova Srpske Republike Bosne i Hercegovine, odnosno Republike Srpske (u daljem tekstu: policija), usmjerenog protiv bošnjačkog civilnog stanovništva opštine Vlasenica, znajući za takav napad i da njihove radnje čine dio tog napada, **Mane Đurić** nalazeći se na dužnosti načelnika Stanice javne bezbjednosti Vlasenica (u daljem tekstu: SJB Vlasenica), na koju dužnost je stupio 08.05.1992. godine, istovremeno i član Kriznog štaba opštine Vlasenica, kasnije Ratnog predsjedništva opštine Vlasenica, **Radenko Stanić** kao komandir SJB Vlasenica, a na koju dužnost je stupio dana 01.04.1992. godine, gdje su obzirom na dužnosti koje su obavljali bili nadređeni svim pripadnicima aktivnog aktivnog i rezervnog sastava policije SJB Vlasenica, kao i pripadnicima specijalnog voda policije SJB Vlasenica, sa stvarnom kontrolom nad Stanicom i aktivnostima njenih pripadnika, **Miroslav Kraljević** kao komandir specijalnog voda u sastavu SJB Vlasenica, na koju dužnost je stupio dana 14.05.1992. godine, sa stvarnom i efektivnom kontrolom nad tim vodom, poznatim pod nazivom "Mićini specijalci", (u daljem tekstu: specijalni vod policije), postupajući sa diskriminatornom namjerom počinili progon bošnjačkog civilnog stanovništva opštine Vlasenica, na političkoj, nacionalnoj, kulturnoj, etničkoj i vjerskoj osnovi, protivpravnim zatvaranjima, nečovječnim zatočenjima u nehumanim uslovima suprotno pravilima međunarodnog humanitarnog prava, ubistvima, mučenjima, seksualnim zlostavljanjem, prisilnim nestancima osoba, napadom na civilno stanovništvo i nebranjena mjesta i drugim nečovječnim djelima slične prirode učinjenjih u namjeri nanošenja velike patnje ili ozbiljnje fizičke ili psihičke povrede ili narušenju zdravlja, na način da su omogućili, organizovali, planirali, naređivali, pomagali, podstrekavali, usaglašavali se činjenjem i nečinjenjem, sa protivpravnim hapšenjima civilnih osoba bošnjačke nacionalnosti, koja su proveli njima podređeni pripadnici policije SJB Vlasenica i pripadnici specijalnog voda policije SJB Vlasenica, nakon čega su omogućili i organizovali njihova zatočenja u prostorije SJB Vlasenica i zatvora iza zgrade Suda u Vlasenici, te logora "Sušica" u Vlasenici, u kojim objektima su zatočene osobe držane u nehumanim uslovima i čuvane od njima podređenih pripadnika policije, gdje su bili izloženi mučenjima, seksualnim zlostavljanjem, prisilnim nestancima, od strane pripadnika policije i specijalnog voda policije SJB Vlasenica, koje zločine su podržavali, te omogućavali njihovo činjenje, iako su su bili obavezni zaštititi civile, što su propustili učiniti, te tako doprinijeli stvaranju i očuvanju klime nekažnjivosti za takve zločine, a u kojim zločinima su i sami ili sa drugim pripadnicima policije i specijalnog voda policije neposredno učestvovali, pa su tako:

Radenko Stanić, sam

1.

Nakon preuzimanja vlasti i zauzimanja svih vitalnih objekata u gradu Vlasenici od strane Kriznog štaba Srpske opštine Vlasenica, u periodu od 21.04.1992. godine, pa do 08.05.1992. godine, vršeći dužnost komandira SJB Vlasenica, tako što je rukovodio radom SJB Vlasenica, a samim tim i pripadnicima policije SJB Vlasenica, kršeći pravila međunaordno prava počinio, te podstrekava i pomagao u činjenju nečovječnog postupanja, na način da je planirao aktivnosti svojih podređenih i zajedno sa njima vršio progon, podstrekavajući ih i pomažući im u protivpravnom lišenju slobode civila bošnjačke nacionalnosti sa područja opštine Vlasenica, na način da je svojim podređenim izdavao naredbe za privođenje civila bošnjačke nacionalnosti, među kojim civilima su bili ..., a koji su civile lišene slobode, uz njegovo znanje i saglasnost, dovodili i zatvarali u prostorije SJB Vlasenica, bez ikakvog pravnog osnova i protivno

pravilima međunarodnog humanitarnog prava, bez da su im saopšteni razlozi zatvaranja ili da je vođen ikakav postupak u pravcu utvrđivanja njihove odgovornosti, držeći ih u prostoriji neuslovnoj za boravak većeg broja zatvorenika, bez dovoljno hrane i sredstava za zadovoljenje osnovnih životnih potrebu, izvodili ih u druge prostorije u okviru SJB Vlasenica na isptivanja, gdje su bili izloženi fizičkom i psihičkom zlostavljanju od strane njemu podređenih pripadnika policije SJB Vlaseni, tako što su ih tukli rukama, nogama i raznim predmetima po svim dijelovima tijela, nanoseći im tako snažnu tjelesnu i duševnu bol i patnju, čime je doprinio stvaranju i očuvanju klime nekažnjivosti za takve zločine;

Mane Đurić, Radenko Stanić, Miroslav Kraljević, zajedno

2.

U vremenskom periodu od 08.05.1992. godine pa do kraja mjeseca septembra 1992. godine, **Mane Đurić** u svojstvu načelnika SJB Vlasenica, nakon što su pripadnici policije SJB Vlasenica i specijalnog voda policije SJB Vlasenica, pod njegovom komandom i nadzorom, u tom vremenskom periodu nezakonito uhapsili više desetina civila bošnjačke nacionalnosti, među kojima je bilo žena i maloljetnih osoba, te ih doveli u prostorije SJB Vlasenica i prostorije zatvora iza zgrade Suda u Vlasenici, koji su obezbjeđivali pripadnici policije, odlučio, omogućio i saglasio se da se ti civili drže nezakonito u pritvorskim prostorijama SJB Vlasenica i prostorijama zatvora iza zgrade Suda u Vlasenici, **Radenko Stanić** kao komandir SJB Vlasenica, podstrekavao i pomagao u nezakonitom držanju civila u pritvorskoj prostoriji SJB Vlasenica i prostorijama zatvora iza zgrade Suda, na način da je naređivao privođenja civila bošnjačke nacionalnosti, organizovao i omogućavao fizičko obezbjeđenje u ovim zatočeničkim objektima, koje su vršili njemu podređeni pripadnici SJB Vlasenica, nad kojima je imao komandu i nadzor njihovih aktivnosti, tako što su držali stražu ispred pritvorske prostorije SJB Vlasenica, ispred zatvora iza zgrade Suda u Vlasenici, a na koju stražu ih je kroz raspored službe raspoređivao Radenko Stanić, a **Miroslav Kraljević** u svojstvu komandira specijalnog voda policije pri SJB Vlasenica, izdavao njemu podređenim pripadnicima SJB Vlasenica naređenja za privođenja civila bošnjačke nacionalnosti u prostorije SJB Vlasenica i zatvora iza zgrade Suda u Vlasenici, podstrekavao i pomagao njemu podređenim pripadnicima u nezakonitim lišenjima slobode i zatvaranju civila bošnjačke nacionalnosti, u čemu je lično i zajedno sa njima učestvovao, a koji civili su držani bez ikakvog pravnog osnova i protivno pravili međunaordnog humanitarnog prava, bez da su im saopšteni razlozi zatvaranja ili da je vođen ikakav postupak u pravcu utvrđivanja njihove odgovornosti, držeći ih u prostorijama neuslovnim za boravak većeg broja zatvorenika, bez dovoljno hrane i medicinske pomoći, gdje su bili izloženi fizičkom i psihičkom zlostavljanju, premlaćivanju i mučenju od strane pripadnika policije, te drugim nečovječnim djelima slične prirode, čime su doprinijeli stvaranju klime nekažnjivosti, pa su tako:

Mane Đurić, sam

2.1

Dana 13.05.1992. godine, u jutarnjim satima, u naselju Jezero, opština Vlasenica, pripadnici policije SJB Vlasenica podređeni Manetu Đuriću, nezakonito lišili slobode civila ..., tako što su došli do njegove kuće, naredili mu da krene sa njima kako bi dao izjavu, te ga odveli u prostorije SJB Vlasenica, gdje je nezakonito držan, da bi bio potom odveden i zatvoren u prostorije zatvor iza zgrade Suda u Vlasenici, gdje je bio podvrgnut premlaćivanju od strane pripadnika policije SJB Vlasenica, odakle mu se gubi svaki trag, a njegovo tijelo nikada nije pronađeno, a o čemu se Mane Đurić kao načelnik SJB Vlasenica bio

upoznat nakon što se ..., supruga ..., u više navrata raspitivala kod njega raspitivala za sudbinu svog supruga, govorio joj da će ... biti pušten nakon što da izjavu, odbijajući na taj način da dadne pravu informaciju o njegovoj sudbini i ne poduzimajući ništa da zaštiti ..., a o čemu je kao načelnik SJB Vlasenica bio upoznat, čime je učestvovao u podstrekavanju i pomaganju učinjenja krivičnog djela njegovih podređenih,

2.5

Dana 03.09.1992. godine ili približno tog datuma, u jutarnjim satima, pripadnici policije SJB Vlasenica, podređeni Manetu Đuriću, došli do porodične kuće civila bošnjačke nacionalnosti, ... u naselje Piskave, opština Vlasenica, kojem su rekli da mora krenuti sa njima, što je on i učinio i krenuo zajedno sa tim pripadnicima, pa kada se nakon dva do tri dana njegova supruga ... raspitivala u SJB Vlasenica kod Maneta Đurića, za kojeg je znala da je Načelnik SJB Vlasenica i da joj može pomoći, za sudbinu svoga supruga, isti joj je odbio dati tačnu informaciju, da bi nakon izvjesnog vremena od ..., doznala da je protupravno zatvoren u zatvor iza zgrade Suda u Vlasenici, u neposrednoj blizini zgrade SJB Vlasenica, gdje mu je u narednom periodu 7-10 dana odlazila u posjetu, dok je ... bio nezakonito zatvoren, tom prilikom je izvođen na prinudne radove zajedno sa drugim civilima bošnjačke nacionalnosti, da bi prilikom pokušaja posljednje posjete dobila informaciju od stražara Zatvora da je njen suprug negdje odveden, i da nije više u zatvoru, nakon čega odlazi u prostorije SJB Vlasenica, kako bi dobila informaciju gdje joj se nalazi suprug, kojom prilikom nije dobila nikakvu informaciju, te je ... otišla opet u SJB Vlasenica, zajedno sa njenim stricom ..., te se tada direktno obratila Manetu Đuriću pitajući ga za sudbinu svog supruga, koji joj je odgovorio riječima „Kučko jedna laješ cijelo ljeto, sada ću uzeti pištolj da te ubijem“, ponovo odbijajući da joj da informaciju o sudbini njenog supruga, a ... se od tada gubi svaki trag, a njegovo tijelo nikada nije pronađeno;

Radenko Stanić i Miroslav Kraljević, zajedno

2.6

Dana 01.06.1992. godine ili približno tog datuma, pripadnici SJB Vlasenica postupajući po naređenju Miroslava Kraljevića, komandira specijalnog voda policije pri SJB Vlasenica i Radenka Stanića, komandira SJB Vlasenica, došli do kuće civila bošnjačke nacionalnosti ..., te iste odveli u prostorije SJB Vlasenica, i predali dežurnom policajcu SJB Vlasenica, tom prilikom je ... pokušao da dadne novac, sa namjerom da ga puste, i da sačuva život, međutim niko nije htio da uzme taj novac, te nakon toga Miroslav Kraljević odvodi na sprat zgrade SJB Vlasenica ..., kojom prilikom je Muhameda udario u predjelu leđa puškom, i tom prilikom mu nanosi bol, da bi nakon nekoliko minuta Miroslav Kraljević izveo ... ispred zgrade SJB i naredio istom da uđe u vozilo Nivu, bijele boje, kojom prilikom su se odvezli u nepoznatom pravcu, zajedno sa Kraljević Miroslavom i ..., u tom vozilu su bili i pripadnici SJB Vlasenica policajci Koprivica i Simo Stupar, od kada se ... gubi svaki trag, sve do 12.09.2003. godine kada je njegovo tijelo pronađeno i ekshumirano, dok je Radenko Stanić kao komandir i nadređena osoba kršeći pravila međunarodnog humanitarnog prava podstrekavao i pomagao u činjenju krivičnog djela prema civilu bošnjačke nacionalnosti, znajući da će civil bošnjačke nacionalnosti, ... biti nezakonito lišen slobode i doveden u prostorije SJB Vlasenica,

Stanić Radenko, sam

2.7

Dana 22.05.1992. godine, pripadnici policije SJB Vlasenica, pod komandom i nadzorom komandira SJB Vlasenica Stanić Radenka, koji je izdavao naredbe za privođenje i zadržavanje civila bošnjačke nacionalnosti, odveli civila bošnjačke nacionalnosti, ... iz kuće koja se nalazila u ulici Omladinska broj 15 u Vlasenici u zgradu SJB Vlasenica kako bi dao izjavu, gdje je ... nezakonito zatvoren i držan u jednoj prostoriji sve do 02.06.1992. godine, bez hrane i vode, tokom kojeg perioda je izveden iz prostorije u kojoj je bio zatočen i odveden na ispitivanje u kancelariju unutar SJB Vlasenica, gdje ... mučen od strane pripadnika specijalnog voda policije, na način da su mu naredili da se skine, okrene leđa prema njima, a prsa nasloni na naslon stolice na kojoj je sjedio, nakon čega su mu vezali ruke za sto i počeli ispitivati za oružje i ljude iz stranke SDA, tokom kojeg ispitivanja su ga udarali raznim predmetima po leđima, nožem uboli u predjelu koljena lijeve noge, te mu dljetom za obradu drveta izvadili komad mesa, nanoseći mu tako snažnu tjelesnu i duševnu bol i patnje, nakon čega je vraćen u prostoriju u kojoj je bio zatočen, nakon čega je dana 02.06.1992. godine, od strane pripadnika policije odveden iz prostorija SJB Vlasenica u prostorije zatvora iza zgrade Suda u Vlasenici, gdje je nastavljeno njegovo nezakonito zatvaranje, u kojem je mučen od strane stražara zatvora, na način da mu je naredeno da okrene leđa i da se rukama nasloni na dasku prozora, da bi ga zatim počeli tući policijskim palicama po cijelom tijelu, od kojih udaraca je u izgubio svijest, nanoseći mu tako snažnu tjelesnu i duševnu bol i patnje;

Miroslav Kraljević, sam

2.9

Neutvrđenog dana u maju mjesecu 1992. godine, pripadnici specijalnog voda policije SJB Vlasenica, kojima je zapovijedao Kraljević Miroslav, učestvovali u teškom oduzimanju fizičke slobode civilu bošnjačke nacionalnosti ..., a Miroslav Kraljević znajući da će biti uhapšen ... podstrekavao i pomagao pripadnicima svoje jedinice, tako što je naredio jednom od svojih pripadnika da poprati vozilo u kojemu se nalazio uhapšeni ... iz porodične kuće u prostorije SJB Vlasenica, koji je nakon toga nezakonito zatvoren oko sedam dana u pomenute prostorije SJB Vlasenica, nakon čega je odveden i zatvoren u prostorije zatvora iza zgrade Suda u Vlasenici, gdje je narednih petnaest do dvadeset dana nastavljeno njegovo nezakonito zatvaranje, kojom prilikom su ga tukli svakodnevno nogama i drvenim palicama, nanoseći mu tako snažnu tjelesnu duševnu bol i patnju;

2.10

Dana 07.06.1992. godine ili približno tog datuma, Miroslav Kraljević, u svojstvu komandira specijalnog voda policije SJB Vlasenica, zajedno sa njemu podređenim pripadnicima specijalnog voda policije SJB Vlasenica, došao do sela Mišari, opština Vlasenica, gdje su ranije zarobljeni i protupravno zadržani duži vremenski period oko 10 civila bošnjačke nacionalnosti među kojima su bili ..., te tada malodobni ... od strane srpske vojske i naoružanih civila srpske nacionalnosti, koji su ih tom prilikom fizički zlostavljali, a po dolasku Kraljević Miroslava i specijalnog voda policije SJB Vlasenica, Kraljević Miroslav je lično preuzeo civile bošnjačke nacionalnosti, istim naredio da uđu u crveni kombi vlasništvo firme "Elastik", sa kojim su ih odvezli u Vlasenici i protupravno ih zatvorili u zatvor iza zgrade Suda u Vlasenici, Zgradu

SJB Vlasenica idr, gdje su nezakonito držani duži vremenski period, a nakon toga zatvoreni u logor Sušica, gdje su bili svakodnevno fizički zlostavljani od strane više pripadnika SJB Vlasenica idr;

2.11

Neutvrđenog dana u mjesecu junu 1992. godine, u kasnim noćnim satima, pripadnici specijalnog voda policije SJB Vlasenica, podređeni Kraljević Miroslavu, teško oduzeli fizičku slobodu civila bošnjačke nacionalnosti ..., tako što su došli do njegove porodične kuće koja se nalazila u Vlasenici, a zatim mu naredili da pođe za njima, uvodeći ga u crveni kombi marke „Renault“, vlasništvo firme „Elastik“, sa kojim su ga odvezli u SJB Vlasenica, gdje su ga prilikom provođenja u prostoriju koja se nalazi na prvom spratu stanice tukli rukama, nogama i kundacima pušaka po cijelom tijelu, usljed čega je ovaj trpio bolove, nakon čega je u tu prostoriju došao i Miroslav Kraljević, komandir specijalnog voda policije SJB Vlasenica, koji je ispitivao ... oko sat vremena, pitajući ga o licima bošnjačke nacionalnosti i o tome gdje je sakrio novac i zlato, tokom kojeg ispitivanja mu je udario dva do tri šamara, usljed čega je ovaj trpio bolove i strah za svoj život, a nakon ispitivanja Kraljević Miroslav dao znak njemu podređenim pripadnicima SJB Vlasenica da izvedu ... iz prostorije u kojoj je ispitivan, što su ovi i učinili i odveli ga u pravcu džamije u Vlasenici, nakon čega se ovaj vratio svojoj kući;

Radenko Stanić, Miroslav Kraljević, zajedno

3.

Dana 18.05.1992. godine ili približno tog datuma, pripadnici policije SJB Vlasenica, kojima je zapovijedao komandir Radenko Stanić i specijalnog voda policije SJB Vlasenica, kojima je komandovao Miroslav Kraljević, zajedno noružani automatski puškama krenuli ispred SJB Vlasenica, u pravcu sela Džamdžići te zajedno sa pripadnicima Teritorijalne odbrane opštine Vlasenica, izvršili napad na selo Džamdžići, opština Vlasenica, gdje je većinom bilo nastanjeno civilno stanovništvo bošnjačke nacionalnosti, s ciljem da ih protjeraju sa tog područja, u kojem nisu postojali legitimni vojni ciljevi, te prilikom napada na selo, u kojem su direktno učestvovali Radenko Stanić i Miroslav Kraljević, pomažući i podstrekavajući sebi podređene pripadnike SJB Vlasenica na način da su bili pristuni kada su njima podređeni pripadnici SJB Vlasenica idr; vršili paljenje kuća i uništavanje imovina civila bošnjačke nacionalnosti, te pucali iz automatskih pušaka, što je za posljedicu imalo bježanje i skrivanje stanovništva civila bošnjačke nacionalnosti u okolne šume, kao i ubistva civila bošnjačke nacionalnosti

Miroslav Kraljević, sam

4.

Dana 07.06 1992. godine ili približno tog dana, na lokalitetu sela Rača, opština Vlasenica, Miroslav Kraljević od mještana sela Rača preuzeo deset do dvanaest zarobljenih civila, među kojima je bio i ..., koje je zatim pretresao, oduzimajući im sve vrijedno što je našao kod njih, kojom prilikom je od ... oduzeo dvije svezane maramice u kojima se nalazila tačno neutvrđena količina zlata i novca, nakon čega su zarobljeni civili u njegovom prisustvu uvedeni u crveni kombi vlasništvo firme "Elastik", a koji kombi su koristili pripadnici specijalnog voda policije SJB Vlasenica pod njegovom komandom, te odvezeni u nepoznatom pravcu, od kada se ... gubi svaki trag, a njegovo tijelo nikada nije pronađeno;

Mane Đurić, Radenko Stanić, zajedno

5.

Tokom mjeseca septembra, a posebno noću 12./13. 09. 1992. godine, vršili progon, na način da su omogućili i organizovali ubistva od strane nepoznatih pripadnika policije SJB Vlasenica, Mane Đurić na način što je kao načelnik Stanice javne bezbjednosti Vlasenica (SJB) Vlasenica i Radenko Stanić kao komandir SJB Vlasenica, de jure i de facto nadređeni aktivnim i rezervnim pripadnicima milicije SJB Vlasenica, znajući i svjesni šta će se desiti sa civilima bošnjačke nacionalnosti koji budu pronađeni u svojim kućama, kada su nepoznati pripadnici policije SJB Vlasenica koji su naoružani automatskim puškama u ulici Maršala Tita u Vlasenici, došli do kuće ..., a u kojoj kući se pored nje nalazila i ..., potom kuće ..., zatim do kuće ..., u kojoj se pored njih nalazila i ..., kao i do kuće ..., te pucnjima iz automatskog oružja lišili života, nakon čega je policajac Kraljević Ignjat došao do zatočeničkog objekta koji se nalazio iza zgrade Suda u Vlasenici i stražaru ... koji je obezbjeđivao zatočenički objekat, rekao mu da je iz Policijske stanice Vlasenica, naredeno da povede četvoricu zatvorenika bošnjačke nacionalnosti i uputi se u pravcu sokaka navedene ulice, gdje će ih čekati policajac Petko Gradinac s traktorom, pa kada su došli do označenog mjesta, policajac Petko Gradinac je zatvorenici naredio da iz kuća iznesu beživotna tijela i utovare ih u traktorsku prikolicu i odvezu na lokalitet mezarja Rakita u Vlasenici, gdje su ih zakopali, a tijela ... nikad nisu pronađena i gubi im se svaki trag.

Mane Đurić, sam

6.

Tačno neutvrđenog dana krajem mjeseca februara ili početkom marta 1993. godine, u noćnim satima, pripadnici policije iz pritvorske prostorije SJB Vlasenica izveli ... i odveli u kancelariju Manete Đurića na trećem spratu SJB Vlasenica, u kojoj se on nalazio zajedno sa njemu poznatim pripadnicima policije, da bi zatim on lično naredio ... da klenku na koljena i pjevaju pjesme kakve pjevaju muslimanski borci, a ako ne znaju muslimanske pjesme, onda da pjevaju četničke pjesme, a koje pjesme oni nisu znali, niti su u strahu mogli smisliti bilo kakvu pjesmu, nakon čega je ustao i počeo ... šamarati po licu, a zatim rekao policajcima da dovedu ... iz ćelije, kako bi je ... silovali, pa kada su je jedan policajac rekao da je ...ranije odvedena u bolnicu na porod, naredio ... da svuku pantalone, te da se međusobno diraju po genitalijama i da jedan drugog siluju, a dok ga je ... molio da ih ne tjera da to rade, on se smijao i pio alkohol, da bi u jednom momentu neidentifikovani policajac ustao i povikao na ... sa riječima „Što ne radite ono što vam načelnik naređuje“ i počeo ih udarati, te ih zajedno sa drugim policajcima izveo na hodnik, gdje ih je nastavio udarati, dok je Mane Đurić to sve posmatrao, nakon čega su pripadnici policije ... izveli ispred SJB Vlasenica, gdje su doveli i ..., a potom ih tjerali da skaču na glavu u snijeg, da „plivaju u snijegu“, te da stavljaju sami sebi snijeg u gaće, dok su ... naredili da skine obuću i bos trči oko jednog parkirano automobila, te da se međusobno udaraju nogama dok trče oko automobila, da bi jedan pripadnik policije naredio ... da ošamari ..., pa nakon što ga je ovaj ošamario trudeći se da to ne bude previše bolan udarac, upozorio ga da se tako ne udara, a zatim ga jako udario šakom u lice kako bi mu „pokazao“ kako se udara, dok je Mane Đurić za to vrijeme gledao šta se dešava i smijao se, ne poduzimajući ništa da ih zaštiti, ohrabrujući na taj način njemu podređene policajce na takvo činjenje, što je sve trajalo do ranih jutarnjih sati narednog dana kada je Mane Đurić krenuo iz stanice, pa je s obzirom da se na njegovom automobilu nalazio snijeg, naredio ... da isti očiste, što su oni i učinili, nakon čega je sa automobilom otišao, dok su ... ponovo vratili u ćeliju unutar SJB Vlasenica;

Mane Đurić, Radenko Stanić i Miroslav Kraljević, zajedno

7.

U periodu od 31.05.1992. godine, pa do kraja septembra 1992. godine, pomagali i doprinijeli funkcionisanju logorskog sistema u logoru „Sušica“ u Vlasenici, znajući i svjesni da je taj logor uspostavljen radi prinudnog iseljavanja bošnjačkog stanovništva sa područja opštine Vlasenica, a na osnovu odluke vlade SAR „Birač“ i naređenja komande 1. Birčanske brigade VRS-a, tako što su Mane Đurić i Radenko Stanić kao nadređene osobe SJB Vlasenica naređivali i nadzirali pripadnicima policije SJB Vlasenica, kao i pripadnicima specijalnog voda policije SJB Vlasenica, kojim je neposredno naređivao Miroslav Kraljević sve do 24.08.1992. godine, a koji pripadnici policije i specijalnog voda policije su zajedno vojskom, uz njihovo znanje i saglasnost, nezakonito hapsili i zatvarali civilne bošnjačke nacionalnosti sa područja opštine Vlasenica i smještali u hangar vojnog objekta „Sušica“, omogućavali da se u taj logor dalje nezakonito zatvaraju i civili prethodno zatvoreni u SJB Vlasenica i zgradi Suda u Vlasenici, među kojim su civilima bili i ... , u prostor neuslovan za smještaj velikog broja zatvorenika, koji su obezbjeđivali pripadnici vojske Srspeke Republike Bosne i Hercegovine, uz povremeno ili stalno pojačano obezbjeđenje pripadnika policije SJB Vlasenica, koji su postupali na osnovu Uputstva za rad stražarskog obezbjeđenja logora, sadržanog u Elaboratu stražarske službe sačinjenog od strane komande komande 1. Birčanske brigade VRS-a, bez da su civilima saopšteni razlozi hapšenja i zatvaranja, gdje su držani bez dovoljno hrane i zadovoljenja osnovnih higijenskih potreba, podvrgnuti ubistvima, mučenjenima, silovanjima, deportacijama, prisilnim nestancima i drugim nečovječnim postupanjima i fizičkim zlostavljanjima;

Kraljević Miroslav, sam

7.1

Dana 22.06.1992. godine ili približno tog datuma, pripadnici specijalnog voda policije SJB Vlasenica, kojima je bio nadređeni Miroslav Kraljević kao komandir tog voda, ušli u selo Alihodžići, opština Vlasenica, a potom naredili mještanima bošnjačke nacionalnosti da izađu iz kuća, nakon čega su bez ikakvog pravnog osnova, lišili slobode oko 40 mještana sela, među kojima su bili ... a sa čime Miroslav Kraljević bio upoznat znajući da se radi o civilima bošnjačke nacionalnosti i sa čime se saglasio, da im zatim natjerali da idu do naselja Jezero, odakle su ih kamionom odvezli i nezakonito zatvorili u logor „Sušica“,

II GORAN GARIĆ

U periodu od sredine aprila 1992. godine, pa do kraja marta 1993. godine, u opštini Vlasenica, u okviru širokog i sistematičnog napada dijelova Jugoslovenske narodne armije (u daljem tekstu: JNA), i to Novosadskog korpusa JNA, Opštinskog štaba Teritorijalne odbrane Vlasenica (u daljem tekstu: TO Vlasenica), paravojnih formacija, Vojske Srpske Republike Bosne i Hercegovine, kasnije Vojske Republike Srpske (sve navedeno u daljem tekstu: vojska), Ministarstva unutrašnjih poslova Srpske Republike Bosne i Hercegovine, odnosno Republike Srpske (u daljem tekstu: policija), usmjerenog protiv bošnjačkog civilnog stanovništva opštine Vlasenica, znajući za takav napad i da njegove radnje čine dio tog napada, kao aktivni pripadnik policije SJB Vlasenica, počino progon civilnog stanovništva bošnjačke nacionalnosti na političkoj, nacionalnoj, kulturnoj, etničkoj i vjerskoj osnovi, ubistvima, mučenjem, i drugim nečovječnim djelima slične prirode učinjenjih u namjeri nanošenja velike patnje ili ozbiljnje fizičke ili psihičke povrede ili narušenju zdravlja, tako što je:

8.

U period od 18.05.1992. godine do 21.05.1992. godine, zajedno sa drugim pripadnicima policije SJB Vlasenica dolazio u prostorije zatvora iza zgrade Suda u Vlasenici, gdje su nezakonito bili zatvoreni civili bošnjačke nacionalnosti sa područja opštine Bratunac, među kojim civilima su bili ... koje je zajedno sa drugim pripadnicima policije SJB Vlasenica, tukao rukama, nogama, palicama i puškama, tjerajući ih da rade sklekove, pa dok su radili sklekove, udarali ih čizmama u predjelu rebara, a zatim stavljali noge na potiljke zatvorenika, pa ih pribijali uz zid, nanoseći im tako snažnu tjelesnu i duševnu bol i patnju,

9.

U periodu od 20. februara 1993. godine, pa neutvrđenog dana krajem mjeseca februara ili početkom marta 1993. godine, u prostorijama SJB Vlasenica, u više navrata mučio ... na način da ga je udarao rukama, nogama i drvenom palicom po tijelu i glavi, pa kada bi ga oborio na pod, nastavljao ga udarati nogama obuvenim u čizme po stomaku, stajao na njemu, gazio ga i nogama udarao po bubrezima dok je bio u nepomičnom stanju od posljedica premlaćivanja, od kojeg premlaćivanja je ... ostao nepokretan i od straha je mokrio u gaće kada bi vidio Garić Gorana, koji ga je uprskos takvom stanju nastavljao udarati, što je za posljedicu imalo smrt;

10.

Neutvrđenog dana krajem mjeseca februara 1993.godine ili početkom marta 1993. godine, naredio da se iz pritvorske ćelije SJB Vlasenica izvede ... i dovede u drugu prostoriju SJB Vlasenica u kojoj se nalazio zajedno sa još sedam do osam policajaca, pa nakon što je ...doveden u tu prostoriju obratio mu se sa riječima „ Vrijeme je da i tebe tučemo“, da bi ga zatim počeo udarati pesnicama po glavi, dok ga je drugi policajac udarao željeznom šipkom u predjelu leđa, istovremeno mu govoreći: „Čime se to hraniš, pa ne možeš da padneš“, nakon čega su ... ponovo prebacili u ćeliju u kojoj je bio zatvoren, gdje ga Garić Goran nastavio udarati nogama u predjelu glave i tijela, kojom prilikom mu je nanio tešku tjelesnu povredu u vidu prijeloma desne ključne kosti;

Dakle, u okviru širokog i sistematičnog napada usmjerenog protiv civilnog bošnjačkog stanovništva opštine Vlasenica, znajući za taj i takav napad, i svjesni da njihove radnje predstavljaju dio tog napada sa diskriminatornom namjerom, Mane Đurić, Radenko Stanić i Miroslav Kraljević i Garić Goran izvršili progon bošnjačkog stanovništva na političkoj, nacionalnoj, kulturnoj i vjerskoj osnovi,

čime su,

Radenko Stanić, pod tačkom 1.

- zatvaranjem i drugim teškim oduzimanjem fizičke slobode suprotno osnovnim pravilima međunarodnog prava ili drugim nečovječnim djelima slične prirode učinjenim u namjeri nanošenja velike patnje ili ozbiljne fizičke ili psihičke povrede, počinio Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172. stav 1., tačke e) i k) KZ-a BiH, a u vezi sa članom 180 stav 1. KZ-a BiH.

Mane Đurić, Radenko Stanić i Kraljević Miroslav, pod tačkom 2.

- zatvaranjem i drugim teškim oduzimanjem fizičke slobode suprotno osnovnim pravilima međunarodnog prava ili drugim nečovječnim djelima slične prirode učinjenim u namjeri nanošenja velike patnje ili ozbiljne fizičke ili psihičke povrede, počinili Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1., tačke e), i k) KZ-a BiH, a u vezi sa članom 180 stav 1. KZ-a BiH i i sa članom 29. KZ BiH.

Mane Đurić, pod tačkom 2.1

- prisilnim nestankom počinio Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1., tačka i) KZ-a BiH, a u vezi sa članom 180 stav 1. KZ-a BiH.

Mane Đurić, pod tačkom 2.2

- zatvaranjem i drugim teškim oduzimanjem fizičke slobode suprotno osnovnim pravilima međunarodnog prava, počinio Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1., tačka e) KZ-a BiH, a u vezi sa članom 180 stav 1. KZ-a BiH.

Mane Đurić, pod tačkom 2.3

- zatvaranjem i drugim teškim oduzimanjem fizičke slobode suprotno osnovnim pravilima međunarodnog prava, počinio Krivično djelo Zločin protiv čovječnosti iz člana 172. stav 1. tačka

h) Krivičnog zakona BiH, u vezi sa članom 172., stav 1., tačka e) KZ-a BiH, a u vezi sa članom 180 stav 1. KZ-a BiH.

Mane Đurić, pod tačkom 2.4

- prisilnim nestankom počinio Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1., tačka i) KZ-a BiH, a u vezi sa članom 180 stav 1. KZ-a BiH.

Mane Đurić, pod tačkom 2.5

- prisilnim nestankom počinio Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1., tačka i) KZ-a BiH, a u vezi sa članom 180 stav 1. KZ-a BiH.

Radenko Stanić i Miroslav Kraljević, pod tačkom 2.6

- prisilnim nestankom počinio Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1., tačka i) KZ-a BiH, a u vezi sa članom 180 stav 1. KZ-a BiH i članom 29. KZ BiH.

Radenko Stanić, pod tačkom 2.7.

- zatvaranjem i drugim teškim oduzimanjem fizičke slobode suprotno osnovnim pravilima međunarodnog prava, počinio Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1. tačka e) KZ-a BiH, a u vezi sa članom 180 stav 1. KZ-a BiH.

Radenko Stanić, pod tačkom 2.8

- prisilnim nestankom počinio Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1., tačka i) KZ-a BiH, a u vezi sa članom 180 stav 1. KZ-a BiH.

Miroslav Kraljević, pod tačkom 2.9

- zatvaranjem i drugim teškim oduzimanjem fizičke slobode suprotno osnovnim pravilima međunarodnog prava, počinio Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1. tačka e) KZ-a BiH, a u vezi sa članom 180 stav 1. KZ-a BiH.

Miroslav Kraljević, pod tačkom 2.10

- zatvaranjem i drugim teškim oduzimanjem fizičke slobode suprotno osnovnim pravilima međunarodnog prava, počinio Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1. tačka e) KZ-a BiH, a u vezi sa članom 180 stav 1. KZ-a BiH.

Miroslav Kraljević, pod tačkom 2.11

- zatvaranjem i drugim teškim oduzimanjem fizičke slobode suprotno osnovnim pravilima međunarodnog prava ili drugim nečovječnim djelima slične prirode učinjenim u namjeri nanošenja velike patnje ili ozbiljne fizičke ili psihičke povrede, počinio Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1., tačke e) i k) KZ-a BiH, a u vezi sa članom 180 stav 1. KZ-a BiH.

Radenko Stanić i Miroslav Kraljević, pod tačkom 3.

- drugim nečovječnim djelima slične prirode učinjenim u namjeri nanošenja velike patnje ili ozbiljne fizičke ili psihičke povrede, počinio Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1., tačke k) KZ-a BiH, a u vezi sa članom 180 stav 1. KZ-a BiH i članom 29. KZ BiH.

Miroslav Kraljević, pod tačkom 4.

- prisilnim nestankom i drugim teškim oduzimanjem fizičke slobode suprotno osnovnim pravilima međunarodnog prava ili drugim nečovječnim djelima slične prirode učinjenim u namjeri nanošenja velike patnje ili ozbiljne fizičke ili psihičke povrede, počinio Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1., tačke i) i k) KZ-a BiH, a u vezi sa članom 180 stav 1. KZ-a BiH.

Mane Đurić, Radenko Stanić, pod tačkom 5.

- ubistvom počinili Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1., tačka a) KZ-a BiH, a u vezi sa članom 180. stav 1. KZ-a BiH i sa članom 29. KZ BiH .

Mane Đurić, pod tačkom 6.

- mučenjem i silovanjem Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1., tačka f) i g) KZ-a BiH, a u vezi sa članom 180. stav 1. KZ-a BiH.

Mane Đurić, Radenko Stanić i Kraljević Miroslav, pod tačkom 7.

- zatvaranjem i drugim teškim oduzimanjem fizičke slobode suprotno osnovnim pravilima međunarodnog prava počinili Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1., tačka e) KZ-a BiH, a u vezi sa članom 180. stav 1. KZ-a BiH i sa članom 29. KZ BiH .

Kraljević Miroslav, pod tačkom 7.1

- zatvaranjem i drugim teškim oduzimanjem fizičke slobode suprotno osnovnim pravilima međunarodnog prava počinio Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1., tačka e) KZ-a BiH, a u vezi sa članom 180. stav 1. KZ-a BiH.

Garić Goran, pod tačkom 8.

- mučenjem počinio Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1., tačka f) KZ-a BiH, a u vezi sa članom 180. stav 1. KZ-a BiH u vezi sa članom 29. KZ BiH.

Garić Goran, pod tačkom 9.

- ubistvom počinio Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1., tačka a) KZ-a BiH, a u vezi sa članom 180. stav 1. KZ-a BiH.

Garić Goran, pod tačkom 10.

- mučenjem počinio Krivično djelo Zločin protiv čovječnosti iz člana 172. stav 1. tačka h) Krivičnog zakona BiH, u vezi sa članom 172., stav 1., tačka f) KZ-a BiH, a u vezi sa članom 180. stav 1. KZ-a BiH.